

唐  
音  
統  
籤

戊籤七十四司空圖之二 唐音統籤卷七百五

五言絕句

古樂府

一葉隨西風君行亦向東知妾飛書意無勞待早鴻

樂府

寶馬跋塵光變馳照路傍喧傳報戚里明日幸長楊

早朝

白日新年好青春上國多街平雙闕近塵起五雲

和

卽事二首

茶爽添詩句  
天清瑩道心  
只留鶴一隻  
此外是空林

御禮徵奇策  
人心注盛時  
從來留振滯  
只待濟臨危

卽事九首

宿雨川原霽  
憑高景物新  
陂痕侵牧馬  
雲影帶耕人

十年深隱地  
一雨太平心  
匣澁休看劍  
窓明復上

琴

明時那棄置多病自遲留疎磬和吟斷殘燈照卧  
幽

衰鬢閒生少丹梯望覺危松須依石長鶴不傍人

卑

落葉頻驚鹿連峰欲映鵬此生詩病苦此病更蕭  
條

旅思又驚夏庭前長小松遠峰生瑞氣殘月斂衰  
容

林鳥頻窺靜家人亦笑慵舊居留穩枕歸卧聽秋

鐘

華宇知難保燒來又却修只應巢燕惜未必主人

留

幽鳥穿籬去鄰翁采藥回雲從潭底出花向佛前

開

漫書二首

剝欲逢花折須判冒雨頻晴明開漸少莫怕濕新

中

小蝶爾何競追飛不憚勞遠教群雀見寧悟禍梯

高

偶書五首

裴謝當何憾，惟應悔壯回。  
磬聲花外遠，人影塔前孤。

已變鶯雛長，竿簪笋籜垂。  
白頭身偶在，清夏景還移。

蜀妓輕成妙，吳娃狎共纖。  
晚妝留拜月，卷上水精簾。

獨步荒郊暮，恍思遠壑幽。  
平生多少事，彈指一時休。

掩謗知迎吹，欺心見強顏。  
有名人易困，無契債難

還

漫題三首

亂後他鄉節燒殘故國春  
自憐垂白首猶伴踏青人

齒落傷情久心驚健忘頻  
蝸廬經歲客蠶市異鄉人

率怕人言謹閑宜酒韻  
高山林若無慮名利不難逃

退居漫題七首

花缺傷難綴鶯喧柰細聽  
惜春春已晚珍重草青

青

堤柳自綿綿幽人無恨率只憂詩病發莫寄校書  
箋

燕語曾來客花催欲別人莫愁春又過看看又新  
春

身外都無事山中久避喧破巢看乳燕留果待啼  
猿

詩家通籍美工部與司勳高價雖難敵微官偶勝  
君

努力省前非人生上壽稀青雲無直道暗室有危



機

燕拙營巢苦魚貪觸網驚豈緣身外事亦似我勞形

偶題

水榭花繁處春晴日午前鳥窺臨檻鏡馬過隔牆鞭

雜題

孤枕聞鶯起幽懷獨悄然地融春力潤花泛曉光鮮

雜題九首

病來勝未病名縛便忘名今日甘爲客當時注悠

征

圖集有注悠征賦  
連賦盧獻卿撰

暑濕深山雨荒居破屋燈此生無懣處此去作高  
僧

不須頻悵望且喜脫喧囂亦有終焉意陂南看稻  
苗

樓帶猿吟迴庭容鶴舞寬曉書因閑畫封藥偶和  
丹

宴罷論詩久亭高拜表頻岸香蕃舶月洲色海煙  
春

驛步隄縈閣軍城鼓振驚鷗和鴈下雪隔嶺梅  
飄

帶雪南山道和鐘北闕明太平當共賀開化喝來  
聲

舴艋猿偷上蜻蜓燕競飛蕉香燒桂子苔濕挂莎  
衣

溪漲漁家近煙收鳥道高松花飄可惜睡裏灑離  
騷

有感

燈影看鬚黑牆陰惜草青歲闌悲物我同是冒霜

螢

幾

亂離身偶在竄跡任浮沉  
虎暴荒居迴螢孤黑夜  
深

亂後

羽書傳棧道風火隔鄉關  
病眼那堪泣傷心不到  
關

亂後三首

喪亂家難保艱虞病懶醫  
空將憂國淚猶擬洒丹  
墀

流芳能幾日惆悵又聞蟬行在多新貴幽棲獨長年

世事嘗艱險僧居慣寂寥美香聞夜合清景見寅朝

元日

甲子今重數生涯只自憐殷勤元日日欲午又明年

春中

伏溜侵階潤繁花隔竹香嬌鶯方曉聽無事過南塘

中秋

閒吟秋景外萬事覺悠悠此夜若無月一年虛過秋

秋景

景物皆難駐傷春復怨秋旋書紅葉落擬盡碧雲收

重陽

菊開猶阻雨蝶意切於人亦應知暮節不比惜殘春

永夜

永夜疑無日危時只賴山  
曠懷休戚外孤跡是非  
閒

歲盡二首

明日添一歲端憂爾何衝  
寒出荆口猶校夕陽  
多

莫話傷心事投春滿髻霜  
殷勤共尊酒今歲只殘  
陽

獨坐

幽徑入桑麻陽西逢一叢  
編籬新帶藕補屋草和  
花

獨望

綠樹連村暗黃花入麥稀遠陂春早溲猶有水禽

飛東坡云圖詩得味外味  
如綠樹一聯最善

閑步

幾處白煙斷一川紅樹時壞橋侵轍水殘照背村  
碑

休休亭

且喜安能保那堪病更憂可憐藜杖者真個種瓜  
侯

借居



借住郊園久仍逢夏景新  
綠苔行屐穩黃鳥傍窓頻

春山

可是武陵溪春芳著處迷  
花明催曙早雲膩惹空低

河上二首

慘慘日將暮驅羸獨到莊  
沙痕傍墟落風色入牛羊

新霽田園處夕陽禾黍明  
沙村平見水深巷有鷗聲

長亭

梅雨和鄉淚終三共酒衣殷勤華表鶴羨爾亦曾  
歸

秦關

形勝今雖在荒涼恨不窮虎狼秦國破狐兔漢陵  
空

渡江

秋江共僧渡鄉淚滴船回一夜吳船夢家書立馬  
開

松滋渡二首

步上短亭久看回官渡船江鄉宜晚霽楚老語豐年

楚岫積鄉思茫茫歸路迷更堪斑竹驛初聽鷓鴣啼

牛頭寺

終南最佳處禪誦出青霄群木澄幽寂疎煙汎沆寥

華清宮

帝業山河固離宮宴幸頻豈知驅戰馬只是太平人

感時上盧相

兵待皇威振人隨國步安  
萬方休望幸封岳始鳴  
鑾

亂前上盧相

虜黠雖多變兵驕卽易乘  
猶須勞斥候勿遣大河  
冰

牡丹

得地牡丹盛曉添龍麝香  
主人猶自惜錦幕護春  
霜

秋西杏花二首

薄賦力偏羸  
看看愴別時  
東風狂不惜  
西子病難醫

肌細分紅脉  
香濃破紫苞  
無因留得翫  
爭忍折來拋

上元日放二雉

嬰網雖皆困  
褰籠喜共歸  
無心期爾報  
相見莫驚飛

戊籤七十四司空圖之三 唐音統籤卷七百六

七言絕句一

樂府

五更窓下簇妝臺已怕堂前阿母催  
滿鴨香薰鸚鵡睡隔簾鐙照牡丹開

楊柳枝壽孟詞十八首

樂府翻來占太平風光無處不含情  
千門萬戶喧吹笛富貴人間只此聲

撼晚梳空不自持與君同折上樓時  
春風還有常情處繫得人心免別離

月言卷三  
灞亭東去徹隋堤贈別何須醉似泥萬里往來無  
一事便帆輕拂亂鶯啼

臺城細仗曉初移詔賜千官袂飲時綠帳遠籠清  
珮響更曛晴日上龍旗

桃源仙子不須誇聞道惟栽一片花何似浣紗溪  
畔住綠陰相間兩三家

偶然樓上捲珠簾徃徃長條拂枕函恰值小娥初  
學舞擬偷金縷押春衫

池邊影動散鴛鴦更引微風亂繡牀直待玉窓塵  
不起始應金鴈得成行

稻畦分影向江村  
憔悴經霜只半存  
昨日流鶯今不見  
亂螢飛出照黃昏

客淚休沾漢水濱  
舞腰羞殺漢宮人  
狂風更與回煙幕  
掃盡繁花獨占春

遊人莫歎易凋衰  
長樂榮枯自有期  
看取明年春意動  
更於何處最先知

昔年行樂及芳時  
一上丹梯桂一枝  
笑問江頭醉公子  
饒君滿把翹塵絲

渡頭殘照一行新  
獨自依依向北人  
莫恨程鄉千里遠  
眼中從此故鄉春



絮惹輕枝雪未飄  
小溪煙束帶危橋  
鄰家女伴頻攀折  
不覺回身冒翠翹

處處縈空百萬枝  
一枝枝好更題詩  
隔城遠岫招行客  
便與朱樓當酒旗

錦城分得映金溝  
兩岸年年引勝遊  
若似松篁須帶雪  
人間何處認風流

日暖津頭絮已飛  
看看還是送春歸  
莫言萬緒牽愁思  
緝取長繩繫落暉

大堤時節近清明  
霞襯煙籠遶郡城  
好是梨花相映處  
更勝松雪日初晴

聖主千年樂未央御溝金翠滿垂楊年年織作昇  
平字高映南山獻壽觴

楊柳枝二首

陶家五柳簇衡門還有高情愛此君何處更添詩  
境好新蟬歆枕每先聞

數枝珍重蘸滄浪無限塵心暫免忙煩暑若和煙  
露裛便同佛手灑清涼

浪淘沙

不必長漂玉洞花曲中偏愛浪淘沙黃河却勝天  
河水萬里縈紆入漢家

長命縷

他鄉處處堪悲事  
殘照依依惜別天  
此去知名長命縷  
殷勤爲我唱花前

步虛詞

阿母親教學步虛  
三元長遣下蓬壺  
雲韶韻俗停瑤瑟  
鸞鶴飛低拂寶鑪

遊仙二首

蛾眉新盡覺嬋娟  
闕走將花阿母邊  
仙曲教成慵不理  
下階相簇打金錢

劉郎和約事難諧  
雨散雲飛自此乖  
月姊殷勤留

不住碧空遺下水精釵

寓筆

年年鑷髻到花飄依舊花繁髻易凋  
撩亂一場人更恨春風誰道勝輕颺

偶作

索得身歸未保閒亂來道在辱來頑  
留候萬戶雖無分病骨應消一片山

漫題

經亂年年厭別離歌聲喜似太平時  
詞臣更有中興頌磨取蓮峰便作碑

漫題

無宦無名拘逸興有歌有酒任他鄉  
看看萬里休征戍莫向新詞寄斷腸

率題

宦路前銜閒不記醉鄉佳境興方濃  
一林高竹長遮日四壁寒山更閨冬

漫書

樂退安貧知是分成家報國亦何慚  
到還僧院心期在瑟瑟澄鮮百丈潭

偶題三首

浮世悠悠旋一空多情偏解挫英雄風光只在歌  
聲裏不必樓前萬樹紅

小池隨事有風荷燒酎傾壺一曲歌欲待秋塘擎  
露看自憐生意已無多

遼陽音信近來稀縱有虛傳逼節歸永日無人新  
睡覺小窓晴暖蝸蟲飛

雜題二首

碁局長携上釣船殺中碁殺勝絲牽洪鑪任鑄千  
鈞鼎只在磻溪一縷懸

曉鏡高窓氣象深自憐清格笑塵心世間不爲蛾

眉恨海上方應鶴背吟

雜題二首

先知左袒始同行須待龍樓羽翼成若使只憑三  
傑力猶應漢鼎一毫輕

魚在枯池鳥在林四時無奈雪霜侵若教激勸由  
真宰亦獎青松徑寸心

狂題二首

草堂舊隱猶招我煙閣英才不見君惆悵故山歸  
未得酒狂叫斷暮天雲

須知世亂身難保莫喜天晴菊併開長短此身長

是客黃花更助白頭催

漫書五首

長擬求閒未得閒又勞行役出秦關  
逢人漸覺鄉音異却恨鶯聲似故山

溪邊隨事有桑麻盡日山程十數家  
莫恠行人頻悵望杜鵑不是故鄉花

海上昔聞麋愛鶴山中今見鹿憎龜  
愛憎止竟須關分莫把微才望所知

世路快心無好事恩門嘉話合書紳  
神藏鬼伏能千變亦勝忘機避要津



四翁識勢保安閒須爲生靈暫出山一種老人能  
笑度磻溪心跡愧商顏

偶書五首

情知了得未如僧客處高樓莫強登鶯也解啼花  
也發不關心事最堪憎

自有池荷作扇搖不關風動愛芭蕉只憐直上抽  
紅蘂似我丹心向本朝

曾看輕舟渡遠津無風着岸不經旬只緣命蹇須  
知命却是人爭阻得人

上谷何曾解有情有情人自惜君行證因池上今

生願的的他生作化生

新店南原後夜程  
黃河風浪信難平  
渡頭楊柳知人意  
爲惹官船莫放行

偶詩五首

閑韻雖高不銜才  
偶拋隸鳥乍歸來  
夕陽照箇新紅葉  
似要題詩落硯臺

芙蓉騷客空留怨  
芍藥詩家只寄情  
誰似天才李山甫  
牡丹屬思亦縱橫

賢豪出處盡沈吟  
白日高懸只照心  
一掬信陵墳上土  
便如碣石累千金

聲貌由來固絕倫今朝共許占殘春當歌莫恠頻  
垂淚得地翻慚早失身

中宵茶鼎沸時驚正是寒窓竹雪明甘得寂寥能  
到老一生心地亦應平

狂題十八首

莫恨艱危日日多時情其奈傳門何  
龍濁猶把殘燒朽鉄磨

別鶴淒涼指法存戴逵能耻近王門  
流事借得王公玉枕痕

交跡自古戒言深肝膽徒傾致鑠金  
不是史遷書

與說誰知孤負李陵心

南華落筆似荒唐若肯經綸亦不狂  
偶作客星侵帝座却應虛薄是嚴光

不勞世路更相猜忍到須休惜得材  
幾度懶乘風水便拗船折舵恐難回

由來相愛只詩僧惟石長松自得朋  
却怕他生還識字依前口下作孤鐙

老禪剝仗莫過身遠岫孤雲見亦頻  
應是佛邊猶怕鬧信緣須作且閒人

止竟閑人不愛閒只嫌無事閉柴關  
轟霆攪破蛟

龍窟也被狂風卷出山

地下修文著作郎生前饑處倒空牆何如神爽騎  
星去猶自研幾助玉皇

雨洒芭蕉葉上詩獨來凭檻晚晴時故園雖恨風  
荷膩新句閒題亦滿池

初時拄杖向鄰村漸到清明亦杜門三十年來辭  
病表今朝卧病感皇恩

來時雖恨失青氍自見芭蕉幾十篇應是阿劉還  
宿債剩拚才思折供錢

芭蕉叢畔碧嬋娟免更悠悠擾蜀川應到去時題

不盡不勞分寄校書箋

自傷衰病漸難平永夜禪牀兩滴聲聞道虎瘡仍  
帶鱗吼來和痛亦橫行

昨日流鶯今日蟬起來又是夕陽天六龍飛轡長  
相窺更恐乘危自着鞭

有是有非還有慮無心無跡亦無猜不平便激風  
波險莫向安時稔禍胎

十年三署讓官頻認得無才又索身莫道太行同  
一路大都安穩屬閒人

曾聞劫火到蓬壺縮盡鼉頭海亦枯今日家山同

此恨人歸未得鵬歸無

有感

國事皆須救未然漢家高閣漫凌煙功臣盡遣詞  
人贊不省滄洲盡魯連

有感二首

自古經綸足是非陰謀最忌奪天機留侯却粒商  
翁去甲第何人意氣歸

古來賢俊共悲辛長是豪家據要津從此當歌惟  
痛飲不須經世爲閒人

南北史感遇十首

雨淋麟閣名臣盡雪卧龍庭猛將碑不用黃金鑄  
侯印盡輸公子買蛾眉

漢世頻封萬戶侯雲臺空峻謝風流江南不有名  
儒相齒冷中原笑未休

天風幹海怒長鯨永固南來百萬兵若向滄洲猶  
笑傲江山虛有石頭城

花迷公子玉樓恩鏡裏佳人紅粉春不信關山勞  
遠戍綺羅香外任行塵

兵圍梁殿金甌破火發陳宮玉樹摧姦佞豈能慚  
誤國空令懷古更裴徊



行樂最宜連夜景太平方覺有春風千金盡把酬  
歌舞猶勝三邊賞戰功

桃芳李豔年年發羌管蠻弦處處多海上應無三  
島路人間惟有一聲歌

佳人自折一枝紅把唱新詞曲未終惟向眼前憐  
易落不如拋擲任春風

景陽樓下花鈿鏡玄武湖邊錦繡旗昔日繁華今  
日恨雉媒聲晚草芳時

亂後人間盡不平秦川花木最傷情無窮紅豔紅  
塵裏驥馬分香散入營

洛陽咏古

石勒童年有戰機  
洛陽長嘯倚門時  
晉朝不是王夷甫  
大智何由得預知

淮西

鰲冠三山安海浪  
龍盤九鼎鎮皇都  
莫誇十萬兵威盛  
消箇忠良効順無

河湟有感

一自蕭關起戰塵  
河湟隔斷異鄉春  
漢兒盡作胡兒語  
却向城頭罵漢人

卷終

戊籤七十四司空圖之四 唐音統籤卷七百七

七言絕句二

省試

粉闥深鎖唱同人正是終南雪霽春  
開繫長安千匹馬今朝似減六街塵

榜下

三十功名志未伸初將文字競通津  
春風漫折一枝桂煙閣英雄笑殺人

頃年陪恩地赴甘棠之召感動留題

去時憔悴青衿在歸路淒涼絳帳空  
無限酬恩心

未展又將孤劍別從公

光啓丁未別山

草堂琴盡已判燒猶託鄰僧護燕巢此去不緣名利去若逢逋客莫相嘲

少儀

昨日登班綴柏臺更慚起草屬微才錦窠不是尋常錦兼向丘遲奪得來

綸閣有感

風濤曾阻化鱗來誰料蓬瀛路却開欲去遲遲自笑狂才應不是仙才

與都統參謀書有感

驚鸞迸鸞盡歸林弱羽低垂分獨沈帶病深山猶  
草檄昭陵應識老臣心

力疾上馬走筆

釀黍長添不盡杯只憂花盡客空回垂楊且爲晴  
遮日留遇重陽卽放開

客中重九

楚老相逢淚滿衣片名薄宦已知非他鄉不似人  
間路應共東流更不歸

寓居有感三首

亦知世路薄忠貞不忍殘年負聖明只待東封霽  
慶賜碑陰別刻老臣名

不放殘年却到家  
斲杯懶更問生涯  
河隄往往人相送  
一曲晴川隔蓼花

黑鬚寄在白鬚生  
一度秋風減幾莖  
客處不堪頻送別  
無多情緒更傷情

洛中三首

秋風團扇未驚心  
笑看妝臺落葉侵  
繡鳳不教金縷暗  
青樓何處有寒砧

不用頻嗟世路難  
浮生各自繫悲懽  
風霜一夜添

羈戀羅綺誰家待早寒

燕巢空後誰相伴  
鴛被縫來不忍薰  
薄命敢辭長  
滴淚倡家未必青  
留君

華下二首

故國春歸未有涯  
小欄高檻別人家  
五更惆悵回  
孤枕猶自殘鐙照落花

關外風昏欲雨天  
薺花耕倒枕河壩  
村南寂寞時

回望一隻鷺鷥下渡船

鄭谷文與圖同官谷幼圖問曾誦丈丈詩莫有病否

谷舉此篇後二語圖爲歎惜撫其背稱之

武陵路

橋岸舟閑罾網挂茶坡日暖鷓鴣啼女郎指點行人笑知向花間路已迷

淞陽渡

楚田人立帶殘暉驛迥村幽客路微兩岸蘆花正  
蕭颯渚煙深處白牛歸

憶中條

燕辭旅舍人空在螢出疎籬菊正芳堪恨昔年聯  
句地念經僧掃過重陽

自邳鄉北歸

巴煙冪冪久縈恨楚柳綿綿今送歸回避江邊同



之鴈莫教驚起錯南飛

自河西歸山二首

一水悠悠一葉危往來長恨阻歸期鄉關不是無  
華表自爲多驚獨上連

水濶颿驚去路危孤舟欲上更遲遲鶴群長擾三  
珠樹不借閒人一隻騎

商山二首

清溪一路曉飛身不似雲臺畫像人國史數行猶  
有志只將談笑繼英塵

馬上搜奇已盡篇籍中猶愧是頑僊關頭傳說開

元事拊黠多難正浩然

華嶽廟裴晉公題名

據晉書云晉公討淮西過華嶽廟題名關門圖以

一總紀之

嶽前大隊赴淮西從此中原息  
一作肇石闕莫教苔蘚上分明認取晉公題

上方

花落更同悲木落鶯聲相續即蟬聲  
榮枯了得無多事只是閒人漫繫情

蓮峰前軒

人間上壽若能添只向人間也不嫌  
看着西鄰

競發高樓從此莫垂簾

華陰縣樓

丹青能有幾層梯  
懶更揚鞭聳翠峴  
偶凭危樓且南望  
不勞高掌欲相攜

寺閣

昔歲登臨未衰颯  
不知何事愛傷情  
今來攬鏡翻堪喜  
亂後霜鬢長幾莖

敷溪橋院有感

昔歲攀游景物同  
藥爐今在鶴歸空  
青山滿眼淚堪碧  
絳帳無人花自紅

夢中

幾多心愛在人間  
上徹霞梯會却還  
須是蓬瀛長買得  
一家同占作家山

雨中

維摩居士陶居士  
盡說高情未足誇  
簷外蓮峰階下菊  
碧蓮黃菊是吾家

閒夜二首

道侶難留爲虐  
砱鄰家聞說厭吟詩  
前峰月照分明見  
夜合香中露卧時

此身閒得易爲家  
業是吟詩與看花  
若使他生應

筆硯更應無事老煙霞

新節

轉悲新歲重於山不似輕鷗肯復還  
朱紱縱教金印換青雲未勝白頭閒

乙丑人日

自惟扶持七十身歸來又見故鄉春  
今朝人日逢人喜不料媮生作老人

光化踏青有感

引得車回莫認恩却成寂寞與誰論  
到頭不是君王意羞插垂楊更傍門

戊午三月晦二首

隨風逐浪劇蓬萍  
圓首何曾解最靈  
筆硯近來多自棄  
不關妖氣暗文星

牛誇碁品無勑敵  
謝占詩家作上流  
豈似小敷春水漲  
年年鸞鶴待仙舟

九月八日

已是人間寂寞花  
解憐寂寞傍貧家  
老來不得登高看  
更甚殘春惜歲華

重陽四首

簷前減盡燕菊添  
芳燕盡庭前菊又荒  
老大比他年

少少每逢佳節更悲涼

雨寒莫待菊花催須怕晴空暖併開開却一枝開  
却盡且隨幽蝶更裴徊

青娥懶唱無衣換黃菊新開乞酒難長有長亭惆  
悵事隔河更得對憑欄

白髮怕寒梳更懶黃花晴日照初開籬頭應是蝶  
相報已被鄰家攜酒來

### 重陽阻雨

重陽阻雨獨銜杯移得家山菊未開猶勝登高閑  
望斷孤煙殘照馬嘶回

南至四首

今冬臘後無殘日故國燒來有幾家却恨早梅添  
旅思強踰春力報年華

花時不是偏愁我好事應難總取他已被詩魔長  
後思眼中莫厭早梅多

年華亂後偏堪惜世路拋來已自生猶有玉真長  
命緩樽前時唱緩驕情

一任喧闐遠四鄰閒忙皆是自由身人來客去還  
須議莫遣他人作主人

丑年冬



醉日昔聞都下酒何如今喜折新茶不堪病渴仍  
多慮好向滄湖便出家

山中

凡鳥愛喧人靜處閒雲似妬月明時世間萬事非  
吾事只愧秋來未有詩

礪戶

礪戶芳煙接水村亂來歸得道仍存數竿新竹當  
軒上不羨侯家立戟門

虞卿北原

澤北村貧煙火穉稚田冬早倩牛耕老人惆悵逢

人訴開盡黃花麥未金

王官二首

風荷似醉和花舞沙鳥無情伴客閒總是此中皆有恨更堪微雨半遮山

荷塘煙罩小齋虛景物皆宜入畫圖盡日無人只高卧一雙白鳥隔紗櫺

柏東

冥得機心豈在僧柏東閒步愛騰騰免教世路人相思逢著村醪亦不憎

修史亭三首

圖山居記曰中條五老峰巔勝會昌毀佛宮因爲我有本名王

官谷易之曰讀凱溪乃刻大悲像構亭其  
右曰凝繪志其所著也凝繪之右亭曰修  
史易所  
職也

山前鄰叟去紛紛獨強衰羸愛杜門漸覺一家看  
冷落地爐生火自溫存

甘心七十且酣歌自笑平生幸已多不似香山白  
居士晚將心事著禪魔

烏紗巾上是青天檢校酬知四十年誰料平生臂

鷹手挑燈自送佛前錢

按北窓瑣言云圖爲王凝  
所知後分司又爲凝所識

携所知  
故云

### 修史亭二首

少年已慣擲年光時節催驅獨不忙今日無疑亦  
無病前程無事擾醫王

離落輕寒整頓新雪晴步履會諸鄰自從南至歌  
風頂始見人煙外有人

證因亭

峰北幽亭願證因他生此地却容身上方僧在時  
應到笑認前街記寫真

與伏牛長老偈二首

不笑菩提與闡提惟應執着便生迷無端指箇清  
涼地凍殺胡僧雪嶺西

長繩不見繫空虛半偈傳心亦未疏  
推倒我山無事莫將文字縛真如

偈

人若憎時我亦憎逃名最要是無能  
後生乞汝殘風月自作深林不語僧

攜仙錄九首

嶽北秋空涸北川晴雲漸薄薄如煙  
坐來還見微風起吹散殘陽一片蟬

一半晴空一半雲遠籠仙掌日初曛  
洞天有路不知處絕頂異香難更聞

決事還須更事酬清譚妙理一時休漁翁亦被機  
心誤眼暗汀邊結釣鉤

迹不趨時分不候功名身外最悠悠聽君總畫麒  
麟閣還我閒眠解艤舟

仙凡路阻兩難留煙樹人間一片秋若道陰功能  
濟活且將方寸自焚修

若有陰功救未然玉皇品籍亦搜賢應知談笑還  
高謝別就滄洲贊上仙

英名何用苦撻音不朽才銷一句詩却賴風波阻

三島老臣猶得戀明時

一二同七  
律之爭名

翦取紅雲剩寫詩年年高會趁花時水精樓閣分  
明兒只欠霞漿別著旗

此生得作太平人只向塵中便出塵移取碧桃花  
萬樹年年自樂故鄉春

戊籤七十四司空圖之五

唐音統籤卷

七百八

七言絕句三

賀翰林侍郎二首

太白東歸鶴背吟  
鏡湖空在酒船沉  
今朝忽見銀臺事  
早晚重徵入翰林

玉版徵書洞裏看  
沈羲新拜侍郎官  
文星喜氣連台曜  
聖主方知四海安

有贈

有詩有酒有高歌  
春色年年柰我何  
試問羲和能駐否  
不勞頻借魯陽戈



李居士

高居只在五峰前應是精靈降作賢  
萬里無雲惟一鶴鄉中同看却昇天

青龍師安上人

災曜偏臨許國人雨中衰菊病中身  
清香一炷知師意應爲昭陵惜老臣

贈日東鑒禪師

文國無心度渡海潮老禪方丈倚中條  
夜深雨

一作  
資照寂寥

幾年汶上約同遊擬爲蓮峰別置樓今日鳳凰池  
畔客五千仞雪不回頭

寄薛起居

小城新役賀聖朝亦知蹇分巧難拋麤才自合無  
岐路不破工夫漫解嘲

寄王贊學

黃卷不關兼濟美青山自保老閒身一行萬里緘  
塵靜可要張儀更入秦

送道者二首

洞天真侶昔曾逢西嶽今居第幾峰峰頂他時教

我認相招須把碧芙蓉

殷勤不爲學燒金道侶惟應識此心雪裏千山訪  
君易微微鹿迹入深林

汴柳半枯因悲柳中隱

行人莫歎前朝樹已占河堤幾百春惆悵題詩柳  
中隱柳衰猶在白無身

老杜鄭瓜州司空  
柳中隱大是的對

戲題試衫

朝班盡說人宜紫洞府應無鶴着緋從此玉皇須  
破例染霞裁賜地仙衣

窮

珍重逢秋莫棄捐依依只仰故人憐有時池上遮  
殘日承得霜林幾箇蟬

餽罷

樓下公孫昔擅場空教女子愛軍裝潼關一敗胡  
兒喜簇馬驪山看御湯

歌

處處亭臺只壞牆軍營人學內人妝太平故事因  
君唱馬上曾聽隔教坊

歌者十二首

迢迢翻嫌傍管絃金釵擊節自當筵風霜一夜燕

唱作江南被袂天

玉樹花飄鳳失棲一聲初壓管絃低清回煩暑成  
瀟灑豔逐寒雲變慘悽

十斛明珠亦易拚欲兼人藝古來難五雲合是新  
聲染鎔作瓊漿洒露盤

不似新聲唱亦新旋調玉管旋生春愁腸隔斷珠  
簾外只爲今宵共聽人

十年逃難別雲林暫輟狂歌却聽琴轉覺淡交言  
有味此聲知是古人心

五柳先生自識微無言共笑手空揮胷中免被風

波撓肯爲螳螂動殺機

風霜寒水旅人心幾處笙歌繡戶深分泊一場雲  
散後未勝初夜便聽琴

自憐眼暗難求藥莫恨花繁便有風桃李更開須  
強看明年兼恐聽歌聲

白雲深處寄生涯歲暮生情賴此花蜂蝶繞來忙  
繞袖似知教折送鄰家

重九仍重歲漸闌強開病眼更登攀年年認得酣  
歌處猶恐招魂奠故山

繞壁依稀認寫真更須粉繪飾羸身淒涼不道身

無壽九日還無舊會人

鶴筆花香搭橫籬枕前  
蠶迸酒醒時夕陽似照陶  
家菊黃蝶無窮壓故枝

鐙花二首

蜀柳絲絲罽畫樓窓塵滿鏡不梳頭幾時金鴈傳  
歸信翦斷香魂一縷愁

姊姊教人且抱兒逐他女伴卸頭遲明朝鬪草多  
應喜翦得鐙花自掃眉

暮春對柳二首

縈愁惹恨柰楊花閉戶垂簾亦滿家惱得閒人作

近來桃李半燒枯歸卧鄉園只老夫莫筭明年人  
在否不知花得更開無

漢王何事損精神花滿深宮不見春穠豔三千臨  
粉鏡獨悲掩面李夫人

能豔能芳自一家勝鸞勝鳳勝煙霞客來須共醒  
醒看礪盡明昌幾角茶

造化無端欲自神裁紅翦翠爲新春不如分減閒  
心力更助英豪濟活人

裴徊自勸莫霑纓分付年年谷口鶯却賴無情容  
易別有情早箇不勝情



閒步偏宜舞袖迎春光何處獨無情垂楊合是詩  
家物只向敷溪道北生

亦知王大是昌齡杜二如律韻清還有酸寒堪  
笑處擬誇朱飯更崢嶸

潘郎愛說是詩家枉占河陽一縣花千載幾人搜  
警句補方金字愛晴霞

行樂溪邊步轉遲出山漸減探花期去年四度今  
三度恐到憑人折去時

此身衰病轉堪嗟長忍春寒獨惜花更恨詩詩無  
紙寫蜀箋堆積是誰家

昨日黃昏始看回夢中相約又銜杯起來聞道風  
飄却猶擬教人掃取來

華下對菊

清香裊露對高齋泛酒偏能浣旅懷不似春風逞  
紅豔鏡前空墜玉人釵

白菊三首

人間萬恨已難平栽得垂楊更繫情猶喜閨前霜  
未下菊邊依舊舞身輕

莫惜西風又起來猶能婀娜傍池臺不辭暫被霜  
寒挫舞袖招香卽却回

爲報繁霜且莫催窮秋須到自低垂橫拖長袖招人別只待春風却舞來

白菊三首

不疑陶令是狂生作賦其如有定情猶勝江南隱居士詩魔終嬾負孤名

自古詩人少顯榮逃名何用更題名詩中有慮猶須戒莫向詩中著不平

登高可羨少年場白菊堆邊鬢似霜益笑更希沾上藥今朝第七十重陽

白菊雜書四首

黃昏寒立更披襟  
露浥清香悅道心  
却笑誰家局繡戶  
正薰龍麝暖鴛衾

四面雲屏一帶天  
是非斷得自翛然  
此生只是償詩債  
白菊開時最不眠

狂才不足自英雄  
僕妾驅令學販舂  
侯印幾人封萬戶  
儂家只辦買孤峰

黃鸝轉處誰同聽  
白菊開時且剗過  
漫道南朝足流品  
由來叔寶不宜多

鷗

不是流鶯獨占春  
林間彩翠四時新  
應知嶺上屏

風畫偏坐橫枝亦向人

秋燕

從撲香塵拂面飛  
憐渠只爲解相依  
輕冬好近深  
爐暖何必千巖萬水歸

見後鴈有感

笑爾窮通亦似人  
高飛偶滯莫悲辛  
却緣風雪頻  
相阻只向關中待得春

山鵲

多驚本爲好毛衣  
只賴人憐始却歸  
衆鳥自知顏  
色減妬他偏向眼前飛

喜山鵲初歸三首

翠衿紅嘴便知機久避重羅穩處飛只爲從來偏  
護惜窓前今賀主人歸

山中只是惜珍禽語不分明識爾心若使解言天  
下事燕臺今築幾千金

阻他難網到柴扉不柰偷禽雀轉肥賴爾林塘添  
景趣剩留山果引教歸

放龜二首

却爲多知自不靈今朝教汝卜長生若求深處無  
深處只有依人會有情

世外猶迷不忒庭人間莫恃自無營本期滄海堪  
投迹却向朱門待放生

句

忍事敵灾星

以下四句

物望傾心久兇渠破膽頻

詠房太尉自注初建親王分鎮天下議云宗從之肅宗以是疑琚受譴廢先是祿山見分鎮詔書拊膺歎曰吾不得天下矣

鼎飫和方濟台階潤欲平

緯

夜

短猿悲滅風和鵲喜虛

虛一作靈

驂駟思故第鸚鵡

失佳人

鯨鯢人海涸魑魅棘林幽

碁聲花院

閉幃影石壇高

地涼清鶴夢林靜肅僧儀

晚

粧留拜月春睡更生香

隔谷見雞犬山前接楚

田人家寒食月花影午時天

見圖與人論詩書得  
意者凡二十二聯除

有全什外重記於此

蘇東坡云吾嘗入白鵝觀

於此滿地不見一人惟聞

琴聲然後知司空表聖

真彈花院開之句為工

官路好禽聲軒車駐晚

但恨其寒食有僧態耳

程南樓山最秀北路也偏清

遠鄉縣樓圖又云

題絕之作曰攀可圖

體勢自別此非平生得意然即虞卿入

多病形

境可見作者復生亦當以著題見許

十年太

容五十三誰憐借芻趙朝叅

尋下乞歸

見撰言

華無知己只得虛中兩首詩

王禹偁云人多以四  
皓二跪目圖惟僧虛

中贈圖詩云道裝汗鵝識春醪野人扶言其操履

檢身非傲世也又云有時看鶴札特地掛朝衣言

其尊嚴有誠非邀君也故

看師逸蹟兩師宜高

通歌行李白詩

贈李元先

宣和書譜